



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

complectens sanctos Mensium, Aprilis, Maii & Ivnii

Lippeloo, Zacharias

Coloniae Agrippinæ, 1603

Vita B. Quadrati, Atheniensis Episcopi, Apostolorum Discipuli, per D. Hieronymum presbyterum scriptum. Floruit anno Christi Domini 128. sedente Alexandro, Imperatore autem Hadriano.

urn:nbn:de:hbz:466:1-42716

Anno Dominicæ Incarnationis sexcentesimo quarto, Augustinus Britannorum Archiepiscopus, duos apóstites Mellitum & Iustum ordinavit. Mellitum quidem, provinciæ Orientalium Saxonum, quorum metropolis Londonia ciuitas est, in qua rex, Basilicam S. Pauli construxit. Iustus vero, in ipso Cantio, in ciuitate Dorouernæ, in qua idem rex, Sacram ædem, B. Andree Apostolo erexit. quibus etiam pro sua benignitate dona multa obtulit, possessionesque necessarias assignauit. Post quæ, vir sanctus, plenus dierum, bonorumque operum, lætus ex carcere corporis suus ad cælos migravit. Cuius corpus, in Ecclesia monasterij ab eo ædificati, beatis Apostolis Petro & Paulo sacra sepultum est.

Noui Episcopi creati & noui Ecclesie gratia.

Obitus viri sancti.

VITA B. QUADRATI, ATHENIENSIS Episcopi, Apóstolorum Discipuli, per D. Hieronymum presbyterum scriptum. Floruit anno Christi Domini 128. sedente Alexandro, Imperatore autem Hadriano.

In lib. de uirginitate illustrib. C Bar tom. 2. Annal.

Quadratus Apóstolorum discipulus, Publico Athenarum episcopo ob Christi fidem, martyrio coronato. in locum eius substituitur, & ecclesiam grandi terrore dispersam, fide & industria sua congregat. Cumque Hadrianus Athenis exegisset hyemem, inuisens Eleusinem, & omnibus penè Græciæ sacris initiatus, dedisset occasionem his, qui Christianos oderant, oblique præcepto Imperatoris vexare credentes, porrexit ei librum pro religione nostra compositum, valde utilem, plenumque rationis, & fidei, & Apostolica doctrina dignum: in quo & antiquitatem suæ ætatis ostendens, ait plurimos à

26. Maij.

* Impetij eius.

Liber à S. Quadrato compositus

F ff §

se vi

à se visos, qui sub Domino, varijs in Iudæa oppressi calamitatibus, sanati fuerant, & qui à mortuis resurrexerant.

VITA S. BEDAE PRESBYTERI AN-

C. Bar. tom.
2. & 9. Ann.
& in not.
Mar. Rom.

gllici ex Truhemio Abbate, lib. 3. cap. 155. De viris illustribus. Claruit anno ab orbe redempto 690. & sequentibus, sub Sergio sedis Apostolicae Praesule, Imperante Iustimiano Iunior, & sequentibus, Dies obitus eius, variè describitur: Licet ex scriptis eius elici queat, eum vsque ad nonagesimum quartum suæ ætatis vixisse annum: quorum octoginta septem exegit in monasterio, quod septennis intrauit.

27. Maij

Traditur literis in monasterio, septennis.

Beda vir doctrina & sanctitate toti orbi conspicuus, in extremo orbis Angulo natus, puer septennis in monasterio SS. Apostolorum Petri & Pauli in Anglia, artium maximarum disciplinis imbuendus à parentibus est traditus; in quibus tanta claritate eluxit, vt maximum sua eruditione ecclesiæ vniuersæ splendorem attulerit: Anno ætatis suæ 19. Diaconus, 30. verò summa cum opinione virtutis, presbyter ordinatus est. A quo tempore, ad vltimum vsq; vitæ spiritum, totum se diuinis literis tradidit consecrauitq;: ad eum vt nihil sibi dulcius, nihil suauius fateretur, quam diuinas opes, in sanctis literis abditas, & recõditas, sedula mente dies noctesq; scrutari. Et quidẽ tanto in pretio doctrina eius habita fuit, vt ipse Põtifex Sergius, fama virtutum & eruditionis eius comotus, eum ad se accersiri curauerit: quò diuino eius ingenio, in arduis Ecclesiæ rebus vti posset.

Sergius Põtifex eum ad se vocat.

Erat ei in more positum, vt post lectiones sacras,